

CMYK

Alak man apat ₹

If **undelivered pliz return to:**

ESC SECRETARIAT,
Chiengkawpang, Churachandpur,
Manipur - 795158

CHAMNA AW PHUNGVKNA DING

1.	Chief Patron	-	₹ 5000.00
2.	Patron Member	-	₹ 4000.00
3.	Diamond Member	-	₹ 3000.00
4.	Gold Member	-	₹ 2000.00
5.	Silver Member	-	₹ 1000.00

PIN

*Published by Rev. T. Kangin on behalf of the Evangelical Synod Church
Printed at: THAWNSAAU PRINTING WORKS, CENTRAL LAMKA.*



Chamna Aw

(A Monthly Organ of the Evangelical Synod Church)

Vol. XXXII No. 11 February, 2018



2018 KUM THUPI: "GAMLAK DING TAMTAK AUM NALAI HI" JOSHUA 13:1

Editor: Rev. T. Kamgin Gangte

Chamna Aw

SUOPAT KUM 1986

ə sunga thu umte

- Editorial.....01
- Gamlak ding a tam nalai hi03
- George Carlin in hinkhuo umdan a genna07
- Kristien chu puk mah leh thoukit ding ahi.....09
- Lalpen sepathi hangsan11
- Lehkha sim.....18
- Na insung siem phan na vaigeih masang in.....22
- Sapchuom lawiupate chuh!.....24
- Sapchuom putu te dinmun ding khenkhat.....27
- Bible ginchak haksatna.....29
- Synod Library Update31
- Thuchingte apan thahatna32

Vol. XXXII No. 11
February, 2018

EDITORIAL BOARD

Chairman:

Upa Dr. L.S. Gangte, M.A. M.Phil.

Editor:

Rev. T. Kamgin Gangte
Exe. Director, M.Th.

Asst. Editor-cum-Circulation Manager

Rev. Khaitinthang

Bible Study:

Pr. Khalaisiem M.Th.
Evan. Paukhomang B.D.

Contributing Editor:

Rev. Thangkhosiem M.Div.
Rev. Khaigin BD
Upa Paozalun BA
Rev. L.Sata B.Th.
Rev. T. Kampu M.Th.
Rev. Henkholien MBS
Miss Chinbawi MRE

Editor ana hite

1. Upa Lalkogin	1986
2. Rev. Khaigin Gangte	1987-2005
3. Rev. Lamkawsat	2006-2013
4. Rev. Thangkhosiem	2014-2017

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiangkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuo cheng hi ESC Ngaihdan ahi vek khel puoi. Article zikte'n a mawh a kipuok chiet ui.

PRINTED AT
THAWSAUAU PRINTING WORKS
CENTRAL LAMKA

CHAMNA AW PATRON MEMBER LIST

CHIEF PATRONS:

1. Pu S. Paukholal	Chief of Bunglon	1994
2. Ebenezer Chapel	D. Phailien	2014
3. ESC Shillong	Shillong	2014
4. Mr. S.K. Juliania	Lamphel	2014
5. Nk Sawmte K. Gangte	Fujairah, UAE	2015
6. Nk Esther Tinglamkim	Gangte Veng	2015
7. Pu Thangzago (K.Vawmcha)	Chiengkawnpang	2015
8. Langol ESC	Langol	2016
9. Mrs Hoisi W/o Laldawng K.Gangte	Jiribam	2016
10. Upa Letkam	Bunglon	2016
11. Pu (L) Kamgo K.Gangte	Phuolsanbung	2016
12. Shillong Local Missionary Board	Shillong	2016
13. Pu Lunkholal Gangte	New Delhi	2017
14. Pu Noksiek	New Lambulane	2018

PATRON MEMBERS:

1. Pu Henkhojam	Siempat	1994
2. Sep. L. Gangte	5th Assam Regt.	2003
3. Dr. Lalzazdal	Chiengkawnpang	2004
4. Upa Niala	Shillong	2004
5. Pu P. Gangte	Shillong	2004
6. Pu B. Manga	Shillong	2004
7. Pu S.T. Gangte	Shillong	2004
8. Pu Lalkithang	Delhi	2004
9. Rev. Dr. Soson	Dimapur	2007
10. Rev. T. Kampu	Guwahati	2008
11. Pi Phalneithiem	Dehradun	2008
12. Pu B.K. Gangte	Dehradun	2008
13. (L) Hengo	Chief of Chongmun	2010
14. Upa Dr. L.S. Gangte	Chiengkawnpang	2011
15. Pi Niengzalam	Chiengkawnpang	2011
16. Pu Sangvung	Chiengkwanpang	2011
17. Pu S.K. Gangte	Shillong	2011
18. Pu Lovejoy	Kohima	2013
19. Pu Goginthang	Shillong	2013
20. Pu L. Minlun Gangte	Shillong	2013
21. Pi Lalkim	Shillong	2013
22. Hav. H.L. Gangte	Shillong	2013
23. Ms. Grace Lalbiek	Guwahati	2013
24. Pu L. Neihsiel	Shillong	2013
25. Pu Lamtinlien	Shillong	2013
26. Pu S. Thienlaljoy,	SDO H.O. Veng	2013
27. Pu L. Savia	Gangte Veng	2013
28. (L) Lt. Col. L. Gangte	Chiengkawnpang	2013
29. (L) Upa K. Manga Gangte	Shillong	2013
30. Rev. Dr. Th. Lamboi Vaiphei	Hill Town	2015
31. Pu K. Pauboi Gangte	Chiengkawnpang	2015
32. Siemlaljoy	Lamphel	2016

DIAMOND MEMBER:

1. Upa Lamkodem	Chiengkawnpang	2015
2. Mrs Felli	Chiengkawnpang	2015
3. Moizokim (Chloe)	Lamphel	2015
4. Pu Lama B. Gangte	Langol	2016

GOLD MEMBER:

1. Pi Niengneihchoi	New Delhi	2014
2. Agape Children Eng. Jr.H/S.	Ithing, Thanga	2016
3. Upa Th. Mangnul	Bunglon	2016
4. Pi Chawimawi W/o Sonpee S.Thangjom	Lamphel	2017
5. Pastor Gouienmang & Family	Tripura	2018

SILVER MEMBER:

1. Pi Sailothangi Thangzom	Old Lambulane, Imphal	2014
2. Antioch High School Abicharan	Tripura	2014
3. Upa Thanglal	Bijang	2015
4. Upa Lattinthang	Gangpimul	2015
5. Lamneihhat	D. Phailien	2018

Chamna Aw

THUCHINGTE APAN THAHATNA

Assistant Editor,
Chamna AW

Ka chapa, ka thute hi na pawm a, ka thupiekte hi nangmah a na khawlkhawm chun, Pilna lama na bil na dawh a, hetthiemna lama na lunggil na mat a; ahi, hetthiemna, sam a na kiko a, hetthiemna sam a na aw na suoh chun, dangkaguo banga na hawl a, go selguk banga na hawl chun; Lalpa kihchak dān hun he ta'n na tin, Pathien hetna chuh hun mudawk ta'n la. (Thuchingte 2:1-5)

Pilna chun hetna apuodawk a, mahleh Pathien apat a chitna chun mihiem nichenga a hindan chun a suhat hi.

Pathien thu hi:

- Lampi a chieh te dinga 'Gamlim' ahi a.
- Lawngpu te a dinga 'Kawkmuhtu' ahi a.
- Khuolzinte ding a 'Tiengkhut' ahi a.
- Galdo te dinga 'Chemzam' ahi a.
- Gingtu dinga 'Tiemtehna Bu' ahi.

Pathien thu, Bible in achun khawm haw chuh:

- Vak kawkmuhtu ding. - Thamuontu ding.
- Gilkielna suvahtu ding. - Chitna hun sinsak ding.
- Na dapsak huna hun sulumtu ding.

Bible in Pathien milungsietna a sulang a, Bible in Pathien lunghim a sulang hi. Bible in mihiem hihna a sulang a, hukdamna lampi ei kawkmuh a, migilo te tawpna ding ei hilh a, A phuongdawk tu chuh Pathien ahi. A zikdawktu chuh mihiem ahi. Zie chuh Pathien ahihna bangtak muhtheih nading a Pathien Thagau in a hatkhum ahi.

- Bible hi Paucham kawm in ni cheng in sim un la.
- Chitna dingin sim inla.
- Suohchakna ding ahi tih ginghan la.
- Thiengtho tak in gen lang in.

Zie tawbang ahih na bawl chun Pathien in hun vangsak in, Pathien apat a thil hihtheihna chang ding na hi.

Editorial



Pathien lungsietna mi cheng chunga a tun dan haw hi ka ngaiantuoh sek a kipah um kasa thei mahmah zieng sek hi, alangkhat a chun vangsietna I tih u hi a bei chu ei puoi. Kum 2018 a tha nihna February I tung kit pai he hu zieng tau a, I hetloh kal uh a kum hung liem pai mai ding hileh kilawm in alanga danleh deih banga sep pitin zawklokhak theih a hihziek in pan nasa taka I lak dingun deih a um hi. Thagau lam hi henla taksa lam hi lele deihbang tak in hatzo he hu kileng unle chawl nga lo a pan I lak chiet u chun bang ahim tieng bek ah khantohna um tei ding ahi, tih kinemlah puoi tiu. Ziek chun, I behl Pathien suonga kal suon chiet dingin kisai tiu.

Khawvel chieh dan hi I et leh hung nuom deuh deuh in a, ti gam ding kuo mah I um uh ginchak a um puoi. A ziek chuh hun chiehsa et zieng inle a het theih hi. I Bible mah in ei sinsak sa a hi a, hun hi hung nuom deuh deuh zaw puo'n tin hung haksa deuh deuh zaw ding ahi. Zie chuh I kumsawt mun ding uh I zawtnau hih nai deuh deuh ahi tih het theihna khat ahi (Lk. 21: 25ff). A etsakna ding in: Nipi lai leh ningkum sangin tu kum in khuo a lum zaw ie, tih hi , paudan vantang ahi zieng tai. Phalbi lai lelah ningkum sangin tukum in a vawt zaw ie tih dingin a um kit zel hii. Ti a hi a hung khutih zawm pek leh a tawplam leh mihiem thawkzawh loh ding tieng khawpa hung um thei ding a bang hi.

Khawvel mipil, mithiem haw'n "Global Warming," a tiu a, khawvel zie bang a lum deuh deuh mai hih bangti a nan theih ding ahim ti'n pan ala zing uh a, a phachuom puoi. Pathien thilguon khat chu hi ngei ding ahi a, chieh zawm zel ding chuh ahi. Ei haw gingtu te hinla bangti'n pan I lau em!!! Ei hawn le pan lathei diek puoi tiu. I panlak theih dan ding uh um sun chuh, Zie khawvel I pawtsan taka I thagau dinmun ding hetchet hi ahi. La phuoktu'n, "Tukhel kum 100 (za) nung leh khawi ah na um die?," atih kha I thagau dinmun ding ei na dawt ahi. Kum za nung leh tih hih thihnung thu ding genna

Chamna Aw

ahi. Khawvela I dam sung hin chuh I nawp nawp in I um thei ui. I ut leh hauhsakna I delh thei uh a, I ut leh nawpsakna I delh thei ui. Khawksakna bei kei a le hinkhuo mat theih ahi. I thihnung takele vang ei mah ut thu a thil hithei khat le um ta lo ding ahi. Kumsawt hinna chang thei ding tienga pan la I hih chun zie chuh I chan ding hi'n tin, kumsawt dahmun chang ding a pan I na lakkhak lele ei mah ut thu um talo ding nana na chuh, zie chuh I chan ding hung hi ta mai ding ahi. Ziekchun, gingtu te I bawn chau a I mihiem chanpih lam en zow lo a, Krista lam en kawm zing a pan I lakloh u chun a deih umlo zawk hi I kumsawt mun ding ana hizing kha'na. Krista lam en te a nau a vak deuh deuh a, a mihiem chanpih lam en ta a buoi deuh deuh sek ui. Peter kha hezing hitiu, Isu enzing kawma a chieh lai khan haksatna a tuok puo a, tuifawn a muh a alauh mah mah a a buoi zieng na khah Isu a etloh ka'l cha ahi (Mtt. 14: 29, 30). Ziekchun, amah lam en kawm zinga pan la ding in Sapchuomte Krista'n ei chiel zing a hi.



HETSAKNA LEH NGETNA

ESC Biel leh khawchenga member list anuoia haw hi, amathei lam in ESC Office ah hun submit thei chiet leu chin kipah um mah mah in a.

1. Biel Standing Committee.
2. Khaw chenga a Local Committee.
3. Biel chenga KKP Committee.

Ahun submit sa le chu aum ta a, kipak aum hi.

Sd/-
Executive Director
Evangelical Synod Church

Chamna Aw

SYNOD LIBRARY UPDATE

(A project of Khanglai 2014)

Pathien panpihna leh Sapchuomte i pankhawm na ziek un, December 3, 2017 in Rev. T. Kampu, President AAS, Guwahati in hawndawkna anei a, Rev. Thangkhoiem, Former Executive Director in Pathien khut ah lhatna anei tai.

Sapchuom mite leh deisaktute apat in Lehkhabu Donation hung lut leh apawimawh diek Khanglaite'n i na chawk khawm uh tuni (February 7, 2018) tieng a Library um haw chuh

1. Religious - 536 books (English & Vernacular)
2. Secular - 276 books
3. Photo album - Library Construction limlak, Khanglai 2014, Khanglai 2017
4. Journals
5. Holy Bible Khut a kizik leh adang dang.

Religious books lak ahin, Commentary, Bible Dictionary, Leadership, Youth, Family, Biography etc. atela, chun Secular books lak ahin Competitive Exam na chuom chuoma mat theih ding lehkhabu haw, Science, Maths, Encyclopaedia, Manorama Year Books, Magazines, Novels etc. haw le a tel hi.

Chun, Library hih i phatchuompih theih chiet na ding un, Lehkhabu donate eimah min ahim, Memorial ading in bawl zel hitiu. Tu hun a khangthakte leh hun hungtung dingzela khangthak ten ahun phatchuompih theihna ding un panla thak hitiu. Lehkhabu In a i mawk kawih mai mai hawu khah zie mun hin pie khawm sau sau leuhin chawmlo kala Lehkhabu tamtak khawldawk mai ding i hiu hi.

Chuleh, Libray a Lehkhabu haw Office Hour (10:00 am -3:00pm) hun sung a sim zing theih ahi tai. Sukfel ding khenkhat a um naklai ziek in KHELH (Borrow) theih nailo ahi, Khelh theih hung hi pai tan a.

I pankhawm nau Lalpa'n vangsak zing hen.

Sd/-
Secretary, CKKP.

Chamna Aw

Mi khenhat in a ginchak nawploh ziekun a kihetmawh sak ui. Pathien Hingzing hi mihingte thagau in lunggil a hetsak zinglai in hetloh tei tei a guo sek ui. Chun, a lungthim u a Pathien het a nawp loh ziekun, thil kilawmlø tak hih dinga a deihloh lam lungthim neih phalsak in, Pathien in A nungngat ta a. Rome 1:28. Lunghaw'n thingnah siel, huon minloh, a utchak bangin mihing gitlohma a dimte'n Pathien lopina het sangin khawvel lopina het a ut cha zawu hi. Pathien in Ni chengin A thilsiemte apat ahihna sulang mahleh lungthimte sukhauh in bangmah eilawh sam puona, kei chu ka thu thu ka hi' tihna lungthim I nei sek ui. Ziehi mawhna chuh a hii: Vak van nuoi ah a hung a, himahlele, mite'n vak sangin thim a deih zawu, a thilhiih hawu a gitloh ziekin. Kuole, thilhiih gilo ta'n, vak a haw sek u a, vaka le a hung nuom puou, a thilhiih hawu suklat a um ding chuh a ut loh ziek un. Johan 3:19-20.

Chanchinpha hih baihlam tak ahi. Chanchinpha hi mawltak a kisinsak a, ginna mai a, nasep tello a, hukdamna chan theihna ahi. Tihtakzet a ka hilh na hiu hi, Na kihei u a, chapang neucha bang na hung hih loh u chun, van gam ah lut hiel puo'n lau. Matthai 18:3. Naupang neu lungthim bang pute chauh in Chanchinpha chu hethiem in, amau a dingin a kilak thei ui. Kristien hih buoih um, Hihdingleh Hihlohding kihah gen ahi. Himahlele Kristien

hihna'n taksanna chauh a zalenna kimu ahi. Zieziekchun, Chapa'n ahun suohchak sak chun, suokcha tak tak un lau. Johan 8:36. Isu gingcha a, hukdampa a neite chun lungmuona diktak anei chauh uh ahi. "Nang haw, semgim leh puokgik puo chengcheng te haw, ka kawmah hung un la, kei man hun chawlak sak ing ka. Matthai 11:28.

Mi khenhat in a gitloh ziekun Pathien a kihetmawh sak sek ui. Gitlohma ziek a hinkhuo suksiet aum le tamtak I um ui. Pathien in a ngaihdam theihna helo in lungkham takin aum sek ui. A gitlohnau sanga Pathien hehpihna lienzaw ahih a hengilh sek ui. Pathien in kuole lunghei taphawt chu, a ngaidama, a hukdam hi. "Zieziekchun, nang, mihing chapa, Israel Inkuon kawm achun gen inla, 'I bawhsietnau leh I gitlohnau chun ei delh den a, ziehaw ziekun chuh tumtha suk I hiu a, bangti'n I hing thei mawng mawng ding u?' na ti sek u a. A kawm u achun, 'A hin a ka hin lai chan chuh, migilo thihna ahin kipahna himhim ka nei puo a, migilo in a umdan a nutsieh a a hin hi ka kipahna lam ahi zawi. Na umdan phalo hawu apat chun vaikit un, vaikit un! Aw Israel Insung mite haw, bang ziekun e na thih ding uh?' Lalpa Pathien chun A tii," ti'n gen in. Ezekiel 33:10-11. Thutak hetna dinga Lungthim chapo, gitlohma hinkhuo utchakna, thagau chapona leh thudik a dikloh a lehdawkna haw hin Bible pawmlohma atun hi.

Chamna Aw

"GAM LAK DING A TAM NALAI HI"

Joshua 13:1(b)

- Tv. Lalminlun Aric Gangte

Thumapui:

Amasapen in zietawbang hunpha ei siem sak ua, kumthak eipui galkai a, thule la mawl tak hilele vak zik zawnthei nalai dinga damna leh hunpha eipietu chung Pathien min chuh pakchak in um henla, chun mipite sim theih dinga Chamna Aw board ten eina suohsak zing ziekun le amau chunga le kipahna ka vak tâklang masai.

Tukum thupi hih a hawih kasa mah mah in, zie a pan hin zil theih tampi ei muhdawk sak a, zieziekchun, tunia Lalpa dinga nasem te'n I sep ban uh tampi um nalai hih banglawh a pha him tih leh sem zing lai a le duty dan a sem I na umkhak dinguh lauhum na ziekun zie kum thupi mang hin chawmchah ana houlim hitiu.

Kuo a kuon/chieh ding?

Isai 6:8, Ziephet chun, "Kuo a

ka sawl ding, kuo a ei u dinga chieh ding" tin Lalpa aw chuh ka za a. Tichun, ken, "kei zie hin ka um hi, ei sawl in" ka ti a. Joshua kum tamtak Mose nuoi a aum lai a pan a, dik takle, hangsan taka Lalpa ding a gal a hung sat zing, a mah dinga a kingakna pa Mose thihnunga a mah houtu hihna ahung tung nunga le Lalpa dinga gam keklien tut tut mai chu mihiem hihna zal a kum upat tak ziekun a siempa kawma a kilehna ding anai tâk ziekun Lalpa'n Joshua kawma ngaihnuom umlo hiel khat azak malam sak chu "Na hung upa a na hung têk ten ta a, gam lak ding la a tam ten nalai ngâl a" tih hi Lalpa'n Joshua kawma avak gen malam chu ahi, Joshua ding hin ngainuom umlo hiel ding ahi. Tun'i'n, ei sapchuom sunga etdin zie thu hih dawtna ahi tih kagen ut hi. Tunia Lalpa na sem dinga bil ki-at I um ueh? kuo mah ât chuom kium

Chamna Aw

lo ahi. Lalpa'n mipite kawma chouna abawl a chun, gam le guote a et leh lungkham ta, mipy mangthai ding haw la mulawk ta, zieziekchun, mipy lak pan in chouna ahung bawl in "Kuo a ka sawl ding, kuo a ei u dinga chieh ding" tin mipy lak pan in sapna ahung neih in naupang neucha Isai in "kei zie hin ka um hi, ei sawl in" tin Lalpa adin ahung kipiek in Lalpa'n amah nasem lopi takin amang tai tih hi ei muhsak hi. Tuni a eilak ah, Joshua zawh a kuo kuon/chieh tading, Joshua ki chaihle kichai maiding I hiu em? Hilo e, tunia zie lehkha sim thei nalai cheng hih Joshua khela kuondawk dingin I kichel a, Lalpa dinga na kipiek nak le Lalpa'n Isai guola hung mangtei dingin ginchak aum hi. A diek takin khangthak te haw, tua ei sapchuom sunga lawi-upa te haw hi en un, Joshua guol in a têk gam tau hi, amau nunga mipy enkawl ding chu kuo I kuon tading ule, nang na kuon lohle kuo ding ahim?

Puoknatna nei tak kawma chanchinpha na sepding:

Matthai 9:36, Khutichun, mipite

chuh a muh in, chingpa neilo, belamte guola gimthei leh dalh a a um ziekun a lungsiet ta mah mah a. I Lalpa'u Isu'n khawpi dung a tawhviel lai, mipite chingpa neilo, belam guola dalh a aum u chuh a muh in lungsiet nan a dim tha a, a man thai ding uh lau mah mah in a sinsakte kawm a, "Buh ât ding a tam ten ngâl in, hilele a ât a kuon ding mi aum puoi" a na ti. Ei sapchuom sung en lengun, kademna hilo hielin buh ât dinga kuon hi a tawm kasa nalai taluoi, danleh ât suok manlo a hung kuoi khak ding hi a lauhum ka sa mah mah hi. Zieziekchun, tuni'n a diekin khangthakte haw I um nau mun chiet ah ki ngaihtuoh in Lalpa'n tha le zung hatna eipiek uh hi tuhun a hi matding hilo ahim? Pathien mina tua semlai te kawma kavak gen behlap ut kit chu ahih le, I sep theihpet uh or I sep lai uhin gunchuh takin sem hitiu, puoknatna nei tak kawma mangthai ding te hawl in tai hitiu, danleh sem dukdak man loa Joshua guola I kum in ei têk khum khak ding a lauhum hi. I sep lai uhin, nang chanu/chapa gawtmun zuon lai puoknatna leh lainatna neitaka na etkawl guol

Chamna Aw

- (10) Puitu mawhpuokna chu mi va tattuoh ding hilo in thubuo, labuoi va sucham dinga guot ahizawi.
- (11) Puitu mawhpuokna: Mi liengvai, gimthei-meithaite va veh a thamuon zel hi ahi. Bible dungzui in.
- (12) Puitu chu; Noah guola a Insung mi cheng 'Hukdamna Kuong' a chuonsak zo hih angai. Abraham banga a zi, a cha thagau gam Kanaan tutzo mi hih angai hi.



BIBLE GINCHAK HAKSATNA

- Rev Dr Ellien Gangte

Khawvel a mihing tawncha'n Bible Thudikna leh Isu Krista Lal leh Hukdampa'n I pawm ui. Isu thugen "Kawt chip a chun lut un, manthaina a chiehna kawt chuh a zan a lampi le a za ngâl a; zie lama lut chuh tam le a tam ui. Hinna a chiehna kawt chuh a chip a, a lampi le a tiek a, a mute le tawncha ahiu hi. Matthai 7:13-14.

Isu'n Ana hilhawyna chu a hung dikto zel hi. Mi tamtak in Bible leh Isu a ginchak haksa a saknau leh manthaina lampi a tellawh nau chu Ngaihsaklohna ziek ahi. William Ramasey, Archeologist leh Former Bible skeptic in Nasepte apat Paul, chanchinpha na sepna a sui-na apat in gingtu khat ahung hih lawh hi. Abraham Lincoln, "The Great Emancipator of Slaves," chu kum 40 ahih in Gingtu diktak ahung hii. Pastor lehkhabus zik khenkhat a hun sim leh Bible apat hetchet a hung nuom hi. Bible apat in ginna diktak,

lawnglo chu ana neih lawh hi. Lew Wallace, Former skeptic of Christianity, Lehkhabus zik leh Politician minthang mah mah ahia vainung in Kristien a hung hii. Bible hi Pathien Thu ahi tih gingcha a, Isu Pathien Chapa apawmte hih ana kipahpih puoi. Zie malak chun Kristiente sukmulpho ding ngahtuohna lieu lieu in Bible ana sim hi. Tichun Bible hi nielguolloh, Pathien Thu ahihna, Isu Pathien Chapa ahihna diktak ahun muhdawk lawh hi. Ben-Hur, a classic work of literature, lim-tawithei chu Wallace'n Kristien ahung hih nunga a zik ahi. Kuole Bible gunchuh taka a simte chun Pathien ahihna diktak ahun muhdawk tei tei ui. Lalpa lehkhabus ah hawl unla, sim unla, ziehaw lak achun khatchale kimlo um puon a. Lalpa ngéi chun khuti ding chun thu a pie a, A Thagau chun a puikhawm ahi. Isai 34:16.

Chamna Aw

- (2) Conductor kamtamlo, hun mangtawm a midang hun piek tam chuh lawhtinna ahi.
- (3) A conduct tha sung ah Ho-In sung leh Thugen ding bangkim a mawhpuokna vek hina. Office leh Biel lam apat thu hung ahih ngalloh chun.
- (4) Kikhawp hun a mi khat, nih-vei/thum-vei sap loh ding. Member te hawp thiem ding.
- (5) Pathien pahchakna la hi atam lama sak sak guot ding. Pathien pahchak khela pawimawh umlo ahih ziek in.
- (6) Sapchuoma phuonding pawimawh hun hawn ahih tieng micheng or department chenga hawnsek hi leh, mimal khat/nih gen chuom lo in.
- (7) Ho-In hi munthieng leh zahum ahih zie sulang zing zing in.

3. SAPCHUOM PUITUTE LEH MEMBER TE HETBEH DINGA PHA:

- (1) Church Timing suk dik guot zel kha lawhtitna ahi.
- (2) Puitu hihna chu mipite masanga HO-In tunsek hi ahi.
- (3) Ho-In zawt ding tieng kisukthien, I van leh thuom ettyp; sathau, limet haw hi matzel dinga siem ahi tih het ding.
- (4) Thugen lai a mobile phone tawl zat zat ahim, Bible sim guola kilat khun Thugentu leh ei muzing te a chawmpuoi.
- (5) Member I hihna dungzui a I chutna dingmun het aphi Usher ten zie khun va chuh, ei tih tieng u leh a kek den batzieng loh ding ahi.
- (6) Thugentu thugen hetchet guon, tukkhuk lam etsak khun, Thugentu a chawmpuoi, tih het aphi.
- (7) Puitu chun mi uhchuom, deihchuom, pahchak chuom a neih tieng Puitu ahinhna a suniem sek. Sapchuom mipi aneu, alien kibang taka et ding ahi. Zie chu Krista I batnau ahih ziek in.
- (8) Puitu/leader kamtam te kawm ah Pathien in thutak, thuguk, avawpsak ngampuoi. Thip tam kha chitna bul ahi.
- (9) Lei control thei khat chauh aum – ziechu Lalpa thagau ahi.

Chamna Aw

in na puokna gam le sepna tang gam hi enkawl thak in. Office a pan sawl I hih man a va sep ham ham, va sukbutit ham ham khan chu bangmah phachuom lo ding ahi. Tuni'n Lalpa'n sepna theih tha hatna leh damna a hungpiek pet ahin sem kin kin in, danleh na hung kisik lohna ding in.

Kipak taka Lalpa na sepding:

Sam 100:2(a), "Kipak kawmin Lalpa na sem un" Kipak kawma Lalpa nasep a pawihmawh dan genloh a hetsa ahi. Insung ki vaihawmna thu a, nu leh pa'n bang ahim khat sem dinga ei sawl ule kipak takle thalawp taka I vasep chun lawh le a kilawting ut hi, hinlah nâng chiet chout a I va sep le lawhtit sangin bang himkhat vaki susie zaw tei sek hi, a ziekchuh I lunglut loh ziekun. Tunia, chanchinpha nasem tele ziegul chu ahi, I gen guola sawla na um ziek a kha na bawl mai mai chun kana lo ding, kipak le thanuom tak kawma nasep a, bangchan hilele a gah na lawh macheng sem dinga nakisak chun lawhting tei ding nahi. Pathien na hih mi cheng septheih ahi puo, nang a sem dinga nakipiek takle

zie semthei ding lak chun natel tâk ziekin kipak taka nasem chuh nang ding a lawhtitna naipen chuh a hih tak ziekin kipak takin Lalpa na semin, lawhtitna mutei ding nahi. Lungna leh sal phenphuna chale naute lehkha na hilh chun amau a lunglutloh uh chauh hilo in hethei him him lo ding, a sinsaktu nang dinga le man na mai mai hiding ahi, ziegul chun nangle lawm man nasân nading le amau le a lawhtit theih nading ua chun Lalpa'n sem dinga a hun kawihna mun chun kipak takin Lalpa na sem in.

Hangsan taka gâl-sât ding:

Joshua 1:9, Thu kahun pie hilo maw? Hattak le hangsan takin um in, lau kin la, lungkie diek ki'n, Lalpa na Pathien chuh na chiehna tak ah na kawma um zel ding ahi Mi tampi nasepna ah hangsan lohle thutak lo tampi aum tai. Pathien in Joshsua avaithakna chuh, lauki'n, hangsan takin bawl dinga kahung piek chu bawl in, na kawma kaum zing hi, atii, tunia Joshua kawma Lalpa aum guol ahi nang kawma le um ahi tih hezing inla, lungthuoina leh lauhna neilo hiel in diktakin

Chamna Aw

Lalpa na sem in. Mi khenkhat chuh sapchuom sunga le houtu leh lamkai hilele kuo him khat lauhziek le kuo ahim khat in ana kithuohpih mun thim zieka thil diklo a bawl ua le kihet mawhsak zieng houtu tampi aum hi. Pathien in ziehaw chuh a deihpuoi, zie chule lau diek ki'n, kei dinga dik takle ginum tak puma nasep zing chun na kawmah um zing ing kating hun panpih zing ingka ei ti. Suopithe, I sapchuom sung enthak kit taitiu, thudik in hangsan hitiu, I dik pouh ule lauh ding bangmah aum puoi. Pathien I kawm ua aum zinga, bangmah in eisu na thei puon'a. Joshua'n dik takin hangsan takin Lalpa na a sem a, amachâl tul tul mai hi. Zieguol hin ei ule mi mai en a Pathien nasem I hih ule chu phachuom puonti'n, Lalpa mina diktaka nasem I hih uchun Joshua guola machâl tul tul mai ding I hiu hi tih ka gen behlap ut nalai hi.

Thukhâkna:

Pathien in Joshua thihding hun lam tak a a vak thu khak sakna hih zâknuom umlo mah mah ding ahi. Hinlah, Pathien in amuh

chuh amah guola ginum takle diktakle hangsan taka sem ding chu umzieng dinga ahetloh ziekin tichun avak vaithak hi. Tuni'n ei sapchuom sunga en lengun, a semle kiting lo, a sem tenle Joshua guola hangsan taka Lalpa gam keklien na a pan kila zolo, ziehaw hih I ngaihtuoh uchun chu I masang uhi lungkham a um thim ten hi. Zieziekchun, tua semlai tenle, nang le kei nung a ei panmun hung lawh chet ziengthei ding khat chiet siem malam a pawihmawh hi. Kei hung tawpleng amah hin eikhiel hen tia, khat na siemdawk malam a ngai hi. Ziechu hile tunia Pathien na I sepnau diktak hung kai ding ahi. Zieziekchun, I sep zing lai hin gam le guo hi enzing hitting un, kei ka chiehloh le, gunchuh taka kaseploh le, hangsan taka ka seplohle ka mite hi mangthai ding ahii tih hi hezing kawmin Lalpa na, nasep nan ki enthak inla, Joshua guol ah kasem nam? tih hi nang le nang a tawpna din vak kidawng malam in.

Lalpa'n na mamawh dungzui chiet ua sapchuom hawihzawk na din hun mangchiet tau hen tih hi a ziktu pauchamna ahi. Ka kipak hi.

Chamna Aw

SAPCHUOM PUTU TE DINMUN DING KHENKHAT

(*Sapchuom Changkang Zawte Bawldan/Chiehdan*)

Evan. L. Minthang
D. Phailien

1. CHAIRMAN/SECRETARY TE DINMUN:

- (1) Committee Resolution him him Ho-In a phuondawk tei ei ding ahi.
- (2) Resolution hikhello thu behlap kawm hah phuon loh aphi. Angaitha te dinga chimcak um a suok thei.
- (3) Kipahchak leh kigaih haw hi Sapchuom in angeihsek puoi - Mun thiengtho ahih ziek in.
- (4) Meeting thu leh thuneu haw ah Chairman/Secretary kihettuoh zing ding ahi. Sapchuom hiselna ahi.
- (5) Member khat le nih in thu mawk passed loh aphi. Committee hetpih loh in.
- (6) Committee Meeting tieng Chairman ahim Secretary ahim in Agenda luihdawka, highlight – neuchah suklat ding. Mahvang Member te ngaihdan (opinion) lak tam a ei kha kamtamlo deuh a um aphi. Meeting chiehdan ahi.
- (7) Member te ngaihdan laktam hi leadership na ahi.
- (8) Pathienni haw a sum dinmun report zel hi Sapchuom hiselna ahi.

2. HO-IN CONDUCTOR TE DINMUN:

- (1) Conductor hi mipi puitu ahih akihet zing ding ahi. Ziechuh, lawhtitna ahi.

Chamna Aw

piting thei dingte kawma a hetsak a, a piek sek ahi. Taksanna, ginna dettak neite chuh muhlawkna kichientak neite ahi sek ui. Taksanna, ginna dettak neilote'n zie muhlawkna hih chang thei puo'n au. Mosi hin muhtheihloh pa a muh ziekin, a muhlawkna chuh mang in, ginum tak in a pang a, mi lopi tak ahung suok hi. Elija suokpa'n le sepahit tamtak umkimvel a mu a, Elija'n vang van sepahit tamtak a mu'i.

Sapchuom puitu dingin Thagau lam mitvakna neih angai hi. Nang leh nang ana ki-enchien in, tisa mi na him, thagau mi??

Taksa (Natural)

Thagau (Spiritual)

1. Amah kimuong (Self confident) Pathien muong (Confident in God)
2. Mi hihna hechien (knows men) Pathien hihna hechien (also knows God)
3. Amah deihdana thupuk (makes own decisions) Pathien deihdan hawl (seeks God's will)



4. Kithalawp (ambitious) Kingainiem (humble)
5. Thilthak siem (creates methods) Pathien deihdan zui (Follows God's example)
6. Thunehna nuomsa (enjoy commands) Pathien thu zuih nuomsa (delights in obedience to God)
7. Amah sepphat man hawl (seeks personal reward) Pathien leh midangte lungsiet (loves God and others)
8. Amah a kinga (Independent) Pathien a kinga (depends on God)

Lalpa'n sep ding tampi um henla, mi tampi um lele nang khel khel ahun matnuom leh nang le Lalpa aw ngaitha zing kawmin, a thupiek dungzui in, theihtawp suoh in, ana sem inla hileh chin, na ginum a, phachuomngai taka, na sepna zat zata ama'n hun umpih a, hun vangsak zel ding ahi.

Chamna Aw

GEORGE CARLIN IN HINKHOU UMDAN A GENNA

-Kaizomlal

Thugentu 2:24-25. "Mihiem a ding chun nek leh chakte leh a sepgimna a a lungthim sunuom sanga pha aum puoi. Zie hile Pathien khut apat ahi tih ka he tai. Amah lo in, kuon nek leh chak leh kisunuom um thei ding?

Ihinkhuo a tua hun I matdan chuh Building In sangtak tak I nei ua, mahleh lunghim lam vang asie ten mai a, lampi a lien deuh deuh a, himahleh khaw thilna I neih uh a neu deuh deuh hi. I mang tam a, I neih uh atawm hi. I chaw tam ua, mahleh kipahna atawm hi.

Hihna degree I hau mah mah ua, mahleh I hetna a tawm deuh deuh ui. Hetna thuomphuo I hau deuh deuh ua, mahleh vahawmna vang a tawm deuhd euh hi. I thiem beh zel ua, I buoina ding atam deuh deuh zawi. Damdawi siem dawk beh zel ahi a, damlo In ah I um mun zaw sek ui. Zu

I dawn nasa ten ua, dum chep le I hah chep ua, zie haw a ding hin chuh sum itlo hiel in I mang nasau a, mahleh nuih atawm hi. I hek hat a, I lung ana mah mah a, zan sawttak tak I hak a zingkal leh ipmu khawplo in I tho kit ua. I sim tawm a, TV I en nasa a, mahni sumsiel tak in I paucham a. I thil neihte I supung a, mahleh I lulna akieniem hi.

I pau tam a, ei leh ei I kihehpih mah mah a, mi muhdah I hau mah mah ngal a. Hindan nuomsak I kizil nasa a, mahleh I tup bang chun I hing thei puoh ngal ua. Hinkhuo ah kum I hap beh a, mahleh I kum ah hinna I hap thei ngal puoh a. Thapi ah I va lawn a I hung kileh kit a, mahleh Insak Inthangte mu dingin lampi kan a mi veh haksi I sa tan ua. Khawvel pawlam I vel suok tam ten a, mahleh khawvel sung vang tawhsuok tam mah mah ui.

Chamna Aw

Thil lien tak I hih a, mahleh thil pha zaw I hih poh ngal ua. Huihkuo I suthiengtho a, mahleh I thagau Isu nin ngal ua. Atom I mudawk ua, mahleh I sietna ding ana hi ngal a. I zik tam a, mahleh I zil tawm mah mah ngal ua.

Thil I guonggalh tam a, mahleh I sulawhting tawm ngal ua. Thil buoipih I hau ua, mahleh ngak I peih puou a. Thil pawimawh kawihna dingin computer I siem dawk tam mah mah ua, mahleh zie haw chuh I va mang vang ten sek ui.

Zie haw hih tulai a nek baihlam, mahleh gilpi'n a suknel haksat chu ahi. Taksa lientak mahleh theihna tam ngal, lawk ten, mahleh kizawpna det do lo ahi. Zie haw hi I sum laklут tamna, mahleh nupan kikhen tamna chu ahi. In a nalh deuh deuh a, a sunga chengte I dalh deuh deuh ngall ua. Zie haw hi tulai a kintaka I zinkuol theihna, mahleh diaper banga pah mai ding thil ahi ngal a. I mihiem hihna I pahmang deuh deuh ua, I taksa vang a gik deuh deuh ngal a. Showroom atakdawk tam ten, mahleh stock room vang a awnga awng I hiu hi. Technology in thiemzilna ahung mat sak theihna khawvel ahi ta a,

zie haw thiemna masawn tak haw chuh na sunggil ah na lalut die, ahihlohleh na delete zawk ding?

Zie hih hezing in, na hehpih na inkuonpihte bul ah hun mang tam in. Aziekchuh, na kawm ah hinkhuoa um ding ahi puou hi. Nang hun ngaisangtu ahim, nang sanga dinmun niemte kawm ah paukam hawih ngaihkai takin pau sek in. Aziekchuh, zie pa chun bang tik phat ahim leh dinmun pha chang ding ahi ngal a, dan leh hung nungngat san kha ding ahi. Na bul a mi kha chibai buk sek in, aziekchuh na lungthim tak aman umlo a go na piek theih umsun ahi ngal a. Na zi/pasal kawm ah, "Ka hun lungsiet hi" ti sek tang, aziekchuh na lungthim sunggil hun kikawppitu ahi ngal a. A khut na khawih theih loh hun, nang apata lakmanga a um hun hungtung ding ahi ngal a. Na lungthim genpih na dingin hun matpih sek inla, nang kawm a thil a gen hun ding pie sek tang, a lungthim a gendawk ding hun pie zel in. Zie hi hezing in.

Hinkhuo hi I hat lak zat a the ahi puoh ngal a, I hat atawp hun dakkal chan a teh ahi zawi.

Chamna Aw

bawngnawi leh khuoizu a luonna gama puilut dingin nang ka hun sawl hi, a tii. Mosi'n a dawng a, "Kei Pharoah kawmah chieh a, Aigupta gama pata Israelte va puidawk dingin kei kuo ka hi?" ti'n a dawng hi. Mahleh, Lalpa Pathien in mi tamtak laka pat Mosi chuh ana sem dingin a samdawk a, mawhpuokna a pie a, a sawldawk hi. Pathien tihdana a chieh a, a hihleh umpih zel ding, amamawh bangkim pie zel dingin a kitiem a, a gen guol ngei in a chieh a, Lalpa'n a sawlna a sem piting hi.

Mosi pauchamna- "Aw zie mipite hin thil gilo huoisie tak ana hih tau a, sana pathien chuh ana kisiem tau a. Mahleh, tuhin a gitloh uh na ngaidam thei dem? Atheihloh ding levang na lehkhabu a ka min na ziksa kha thaimang dingin ka hun ngen hi" (Exo. 32:31,32)

Nehemia- Jerusalem kulhbang sie ta nung siemphatnaa panla a, tungding kit dingin Pathien kawma a nget zawh nungin a kipandawk a, tihin khawpi sietdan a gen hi. "I khawpi'u kulhbang sie, kawtpite chim ta,

muhsit in I um ua, midangte khutthak nulna ding mai I hi tau hi. Kisau inla, midangin ei simmawh taklohma dingun, kulhbang siemthak hitiu, a ti a. Upa leh vahawmte'n le a kipahpih ua, kithutuok tak in, kisai ting uh tungding thak kit hitiu, a tui a."

Napha sepna leh Pathien thupiek sepawkna dingin, melma tampi leh haksatna tampi um in a, Lalpa'n mawhpuokna mun chuom chuoma dinga ei sap leh sawlte I hiu ui. Na mawhpuokna hih nang deihtelna hilo in, Pathien in amah deihtan sem dinga mipite manga ahun sawl leh teldawk na hih kihengilh ki'n.

Vision: Vision, muhlawkna kichien tak nei mi, lawiupa apawimawh hi. Vision hih Pathien apat hung kipan ahi a, mihiem siemkawm ei puoi. Pathien in a mite kawma, a sepawk ding uh, a zuih ding ua a piek, pawimawh leh kichien mah mah chuh ahi. Pathien ngaihkhawh, thiltup sepawk ding aum tiengleh, zie semdawk thei ding chuh, mi ginum leh diktat, amah deihtanga sem

Sapchuom Lawiupate Chuh!

- Rev. K. Siemlien

Sapchuom a lawiupa ding leh Department chuom chuoma lawiupa ding, tasam lo in tuni tieng in Lalpa'n ei pie a; lawiupa dingga teldawka umte'n a puih ding uh mipi, belamte le ei pie nalai a, amin lopi pahchak in um zing hen. Teldawka umte hih Lalpa'n ahun dungzui a, apawimawh zieka zie mawhpuokna haw hih ei piek ahih ziekin, chingthei tak leh Lalpa deih dan bang ahim tih hezing puma sem dingin Lalpa Thagau umpihna na chung chiet u ah um hen. Sapchuom a vaihawm, lawiupate chuh thilpha deih ahii hi. Anuoi ahin lawiupa hihna dingga pawimawh khenkhat vak en hitiu:-

1. Pauchamna neih zing: Mihiem lemhetna maia thil hithei lo ahih ziekin, Pathien dawt a amah deihdana, A thisana a tat, a mitnaucha, a belamte

etkawla puih ding ahi. Pathien deihdan leh ei lunggel, lemguot dan akibang puoh ngal a.

2. Thagau mangthai lainatna mittui: Kristiente, Sapchuoma lawiupa dingga teldawkte lak ah Thagau lainatna mittui atawm taluoi. Vaihawm thei, mipi ngaih a pha, Pathien deihbang taka semdawk zolo, amin maia nasem, theihtawp suoh hi ngal, kithalak belam ching tawbanga mawhpuokna I sep ziek uh ahi dem, Thagau lam ah dangchakna kiel anasa mah mah hi.

3. Bible sim zing: Bible sim zing hih, khuothim a chengte a dinga vak ahi a, Bible simloa chiehte, a kisui ua, a puk pai sek ui. Belam gilkiel, damlote a dingga Belampu pha apawimawh hi.

Mosi chuh Pathien in a sam a, Aigupta gam apata Israelte va puidawk a, gampha lientak,

KRISTIEN CHU PUK MAH LEH THOUKIT DING AHI

Evan. (Rtd) Lamzagin

Isu Krista chuh a nungzuie'n a In ua a chiel loh u leh lamawk lut puoi. Lehlam ah Communist ten gingtu te lunghim suksietna din mahni kibatpih utchaksak nate (homosexual) amang sek ui. Zie ding hin suohpih Klassen leh Tehemodonor chu mahni kibatpih deihcha te umna pindan a khum ahii hi.

Orthodox thiempu Dudko chu gampumpi muhtheihna telivision a, a ginna a kizuksan dan gen dinga nawh in a um hi. Amah hi USSR a sawlchak ngaihsan umtak, Solzhenitsyn leh mi pawimawh hun tieng in 'thagau a kap' ti hiela ana gen uh ahi. Mahleh vau leh sawisak ahih nungin, Pathien aum hi tia a panna leh Communist vaihawmna a do, a kisik dan a phuong dawk mai hi. Sapchuomt leh chanchinphan gamsung nasa tak in a susie tin le a phuong hi.

Pathien masanga Dudko in

thiemloh a chan ngei I kinem puou. Mikhat, damdawi a sukbuoi ahim, huoisie taka gawt ahih tieng u leh, amau hizaw talo in, a sawisatute deih dan dan a gen dawk muot muot maisek ui. Ken vang thiemloh ka chan hiel puoi. Isu'n, eimah phalna loh in, I chung ah kal khat le a suonpuoi, ahin Communist ten huoisietak in a ngaihdan uh mi sung/chung ah a tunsek ui.

USSR dinmun ahung kithen in, Dukko in a lehkhabu thak a chun tihin ana zik hi. "Suongkul sung ah sapchuom deih dan kizuksan ka hih ka hung kihe dawk hi. Ka hinna hin gentheihloh hiel natna a vei hi. Lampi dang him him ka mu puoi. Bang hitaleh, ka thil sie bawl hi simpha ding in ka kisa zo hi. Bang zieka tawbanga umkha ka hi? Zie dawtna ziekin sun leh zan in kei din chawlhdam a hithei puoi."

A lehkhabu thak ah, ka hatna leh theihna ka en in, kei guol

Chamna Aw

a kieniem kuo mah a umpuoi. Bangzieka? Bang tung ahitam? Kuo ka ngawh ta die? Amasapen, kei keimah ngai ziek ahi, tin ana zik hi.

Dudko kinepna chun, Krista zighthna kha ahi. Kross chung akhan Isu'n, "**Zawh ahitai.**" (John 19:30), tin ana phuong hi. Suolna a tatna bukim, dan in ana ngek cheng chu anabawl zo vek tai. I bat cheng uh ana dintai. Bangtieng in kieniem mah leng, gingcha taka, A lungsietna pawm a, A deih dan sep tih loh ngal I bawl beh ding uh bangmah aum tapuoi. Micheng in hun taihsan mah leu, Pathien in a hun taihsan ngeipuoi.

Amau hih, Pathien masang ah pasalpa te a hiu. Chawmkhat apukziek un mawhchansak hipuon au. Sawlchak Peter, Isu'n 'Suong' a tih ngei le, tam veitak gitloh ah a puk hi. Chun, Isu mat ahih khan anungzui dang chengle a tai sieu hi.

Dinmun chuomtak nuoi a khuosa himah leng, pasalpa takin kalsuon hi tiu. Nikhat in sagih vei puk zieng leu hingle ngaihdamma chang ding I hiu. Pathien in gilo kha him him lo a ei ngai ding ahi ngal a.

Zie hi, Rev. Richard Wurmbrand lehkhabu apat a lakdawk ahi. Simtu cheng Lalpa vangskna chang ta hen.

Kum 2018 a dinga Chamna Aw phungvuk na dinga panpihna hun pie te:

1. Chief Patron Member

(1) Pu Noksie, New Lambulane

2. GOLD MEMBER

(1) Pastor Goulienmang & Family, Abicharan, Tripura.

3. SILVER MEMBER

(1) Lamneihhat, D. Phailien

Lalpa'n zie tawbanga Sapchuom ading a mitawmgai leh Chamna Aw phungvuk na dinga hung kipie te hi, "Hun hung tung zel dinga le atamzaw pie thei ding in vangskna zel tau hen."

Chamna Aw

CHRISTIEN KHANGLAITE LEH BIBLE

Pathien thu Bible hih Pathien nasep leh a mite tawh a kizawpnau chanchinte a kilakna diu thu hing leh thil bawl thei ahi.

Abraham Lincoln in, "Pathien in mihing te kawma a thil piek lopi pen ahi." tin a gen hi. A lutthuk ta phawt in asung a a lulna amu dawk nasa mai ui. Kum zatam liem ta mah leh alulna atuo diek puoi. Khutih laiin khanglaite lak ah Bible ngaihnatna hi a kieniem abang tai.

Nam lopite kingaakna chuh Pathien thu Bible hi ahi. British Sorkar chu kum zabi 18-19 ma vel chun a lopi mah mah mai ua, ni tumlohma gama vahawm tih hiel ahiu. Ziehun lai a chanchinpha nasep dan chuh lopi tak ahi. Africa lal khat in Queen Victoria kawm ah a lopina thu a dawng a, Lalnu chun tihin a dawng hi, "Ka lopinau thuguk chuh zie Bible hi ahi." ati. Mahleh Lengnu lopina chu a keniem tai. Aziekchu

Christien na chu a keniema sawmgup 60 chauh aumtau hi. US lopina thuguk chuh (National Moto) "In God we trust" tih hih ahi. Milopi I tih teu kingakna chuh Bible ahi zing hi. Christian Vangam zuon zikpa John Banyan chun Bible tawh ka ki-gamla kha puoi ati.

Milopi John Wesley chun, "Kei chuh lehkhabu khat, Bible a ka hi." ati. US President, George Washington in "Pathien tello in vahawm theih tak tak ahi puoi." ati. Napoleon in, 'Ni cheng kipahna thak tawh ka sim zel hi ati.' Christien today George Nays khat chun Carry Lodge chun March 18, 2014 a a taklat dan chun, 'Khanglai 70 ten Bible a sim takloh thu u leh teirol 30 ten tha khata khat vei vel a sim thu u a taklang hi.

Ei kristien khanglaite dinmun hi bang bang tawh abang die? I gam u ah mah leh mah kithat lungthim buoi hin beidawng leh depression I tam deuh deuh tau hi.

NA INSUNG SIEM PHAN NA VAI GEIH MASANG IN

- Zasawng Gangte
Shillong, Meghalaya

Bible in Insung a gen dan I Bible sunga kipan masapen chuh inkuon in akipana atawple inkuon in a tawp hi. (Geneses 2: 26-28)

Mihing masa Evi leh Adam te chuh inkuon siem dingin Eden huon ah a kawih hi. Amah lopina phuong ding leh thim apat a vak pe zaw ding in Eden huon ah a kawih hi. (Matthai 5: 14-15)

Inkuon cheng cheng hi ut ut a um mai dingin a siem puoi. Ni chenga amah ho ding leh a kawma paucham zing ding in aum sak hi. Inkuon cheng hi a lopina te a ginumna te leh a thutak na te phuong zak tu dingin ei deih hi. Inkuon cheng chuh amah a ding chauh a hing lo a Lalpa Isu Krista a ding leh midanga dinga vangsakna tuntu dingin ei guot hi. (Genesis 12:2)

Billy Graham in, "Na insung kingakna foundation chuh Isu

Krista ahih loh leh lei chung sietnan ahun mut tieng leh ding zo lo ding na hi." Insung chuh kipakna insung hi ding ahi. Watson in, "Naupang bang tawbang ei peleu chinle na deih tawbang bang a hun siem sak thei ding ka hi." a ti.

Insung chuh sorkar pawimawh pen ahi. Insung kivaihawmna chuh a hawih a akitup loh leh sorkar lienzaw le adik tak tak thei puoi. US gama numei politicain mithang (Albert Barrelly) in gam leh lei a it mah mah a, a zinna apan in ti hin a pasal lehkha ahun thak hi, "Sim biel cheng cheng ka tawh suok ta a, mallam le tawh suok ka guot ahi." A pasal in, "Gam na lungsiet tak tak leh kintak in hung inla an-huon-in ah pan in." a tih san hi. Tulai hunin zenu banga gam leh nam lungsiet kiti zi leh cha dawnlo khawpa I um u hih I bawl khelh lian tak uh ahi.

Lalpen Sepaih HANGSAN

Rothanlien Hmar

**Khawvel lopina taihsana
Karbite thagau lainattu**

December 26, 2017 ni khan Diphu ah, a chanchin ka gen gen sek, muh ka nawp mahmah Rev. Rothanglien Hmar muhna ding lemchang ka mu a, ka lung a awi mah mah hi. Amah taksa kum kum 85 vel ding ana hi ta a, (Nu le Pa mawl lai hun a pieng ahih ziekin a pien kum dik tak chuh a he puoi) himahleh ana navak mahmah nalai a, ki holimpihna hun man tamtak chuh ka nei thei ui.

Amah hih Vangai Tang ah Phaibok khuoa ana pieng ahi. Hu Hluona leh Pi Sumkung chapa ahi. Inchen khawsak ngaihtuona in Cachar District lama ah Tubidhor ah ana pem ui. Himahleh, lehkha sim dingin Pherzawl lam ah In ahung kit a, pawl sagih apat pawl kuo chan ahun sim hi. Haflong Government Hih School ah 1956

in Matric ana passed tai. 1961-64 sung in Guwahti University nuoi ah MSc leh LLB ana zo hi. 1962 kum in ana piengthak hi. Karbi Nungak lak ah MBBS masapen Dr. Arlice Enghipi tawh 1965 in ana kicheng ui.

1966 kum in IRS ana mu a, 1967 kum in Income Tax Officers Training, Nagpur ah a bawlai in a hinna chuh Lal Isu adin ana lan hi. 1968 kum in IAS ahun zik kai kit hi. Himahleh a hinna a latna Lal Isu a din adamsung huncheng Missionary nasem dingin ana kipie ta ahi. Tichun, a nasep masapen chuh Burrows Memorial Christian Hospital, Alipur ah 1971-73 sung ahun sem ua, himahleh, gamthim tak tak ah sep ding chuh amah kipiekna ahih ziekin in gamthim gam Karbi Anglong lam ah Diphu a kichawn lut in, missionary nasepna tak tak chuh ahun pan tau hi.

Chamna Aw

1970 tuom ah Diphu a um ding dan chuh mittha'n a muhthei hi. A gam mite a changkang nailo uh chauh hilo in, a thagau a ding uh ngaihsak tak tak lo, Pathien thu gentute le alawp lo hiel ahii hi. Zie tak achun a gammi te tawh kikhie lo hiel in, a niem dan dungzui ua niemtak in hinkhuo a vamang ui. IAS muthei tieng, a zi le MBBS ana hi chuh Inchen kituptak kisiem thei le ahii hi. Himahleh, agam mite lak ah na sepna ding achun hindan le sangtaka umlo phazaw in ana ngai uh ahi.

IAS a training zawh in Andra Pradesh state ah Anantapur ah a sem pan a. Zie taka chun DC in anne ding in asam a. Annek ding kuon achun DC kawma chun, "Pu, kei Christian ka hia, annek masang in pauchamna ka nei thei die?" ti'n a dawng a. DC chun kipak takin a phalsak hi. Zie mun a kum nih aum sung chun, annek khawmna a um cheng leh DC chun paucham ding in a guot zing sek hi. A hinkuo chuh danglam chuom taka, Lalpa Isu zuitu hihna chuh a sulang zo mahmah a, zie hunlai zieng ahinle Lalpa

Isu a dinga hetpihtu phatak ana hita him ahi. Mi ngaihsan mahmah IAS mu masa lawi tak himahleh Lalpa Isu sapna ana dawn takziek in a hun nutsieh angai tai. A sepna ahun nutsieh zawh a IAS hitalo hinkhuo hung mangpan in, Hyderabad apat Vellore chiehna ding Train Reservation a mu zo puo a, zie chuh Lalpa Isu nungzui hinkhuo ding muhlawkna ahi ngal ta ahi. Amah Bible chang deih mahmah 'Kuonle ka nung a zuih nuom chun, amah ki hengilh in, ei zui hen' tih ahih guol mah ngeiin letna, lalna hun nusieh in mi vantang hinkhuo chuh a hun pan ta ahi.

Amah chauh hilo in, a zi'n le a nasepna ahun haihsan angai ta a, Nagaland Medical Service ah dinmun phatak chuh hun nusieh ta ahi. Amah doctor ahih dungzui in a nasep ding ua pieka um masapen chuh Alipur Christian Hospital ah a seppih uh chuh ahi.

Pu Rothanglien in a gen dan in Alipur ah Dr. Kenoyer te nupan tawh a kithuoh sungun, amau apat in Pathien Thu ngaihnat zawk diekna, Bible Thugin

Chamna Aw

lawh le hi, nek hawl le hi, na hawihlounau sel gu le hi, in sa le hi, nungak hel le hi, bang cheng khaikhawm chu lehkha het hih ahi." atii. Pa pil tak ahi. Tua hi lehkha na simtam chun hun hungtung zel dinga na kipahna ding leh na zahchakna dal tu hi ding ahi.

Synod Library

Synod Kristien Khanglai Pawl malakna nuoi ah tuhin Synod Library hi tundawk in aum ta a Lalpa chu pahchak in um hen.

Lehkhabu secular lam a te le tamtak aum a IAS, IPS, MCS, IRS tieng zawh theihna lehkhabu mitawmngai ten a hun tuok khawm ua, lunglutna neicheng in sim theih zing ahitai. Relegious lama le Bible Commentary chuom chuom pauchuom chuom tampi kawih in aum tai. Sapchuomte adinga taksa leh thagau lama kitodelhna theih tampi a um a, va sim sek ding in I ki chiel ui.

Ka kipak ie, Lalpa'n na hetna hun namat henla hun vangsak zing hen.



Chamna Aw

thil ahim khamtheih thil haw etsakana; zu, sa, damdawi leh a dang dang chawknan a sum a it hiel puou a, chuleh, insung thilpawimawh chawknan le sum tampi pi a seng peih ua, himahleh lehkhabus chawkna a hi ` 50/- le tam sa mah mah zieng aki tam hi. Chaw peihlo, ei uh ESC'n a bawl ngei ngei ei u mah chawk theih dinga lehkhabus kibawl I office u hin tampi aum a kawihsiet mai ding hileh kilawm tam tak aum hi. Kum cheng leh Sunday School hilhchetna tih bang sum tampi seng in I Bible thiem ten ei siem sak ua, mission in sum tampi seng in sukawk a hi sek a, a kizuok dawk hi tam lawm lawm sek lo ahi. Zie mai chuh hilo, Jubilee haw I mat tieng u le le a department ten Souvenir bang ahun bawl sek ua a kizuok dawk hi tam seklo hin tin I Office ua hin tampi nawkphak hiel hiel in aum hi. I office ua pan a lehkhabus kizuok dawk hi tamlo hiel hi ding ahi. 2017 kum tawp a finance report kimuh dan in lehkhabus man a kimu ` 36,825/- chauh ahi. Book room khenhat in ni khat in muzo mah mah ding un ginchak aum hi. Lehkhabus chawk

taimat guo deuh hitiu e..... Ei ua lam haw bek. Sunday School hilhchetna, danzokim cheng in neih chiet guoi tiu. Ziekhel achun NSSU a umte le nu leh pa te hin a subject uh neih sak chiet guo leu hing pha mah mah ding ahi.

Hithei diek henla I cha/I nau ten zie bu hi sim leu tih deihsakna bang um henla book room vel ah pui in chawksak thei leu hin pha sem sem na lai ding ahi. A puon-ak diu, a kengtaw diu, a pheika diu deihsak bang I neitheua, a lehkhabus sim ding uh school subject tihlo I sakhuo bu tawh kituok haw deihsakna neilou I bang un a lang hi.

Khawvel ah kuomah-cha a thiems a pieng, a hesa pieng aum puo a, a sim tam chun a hetam a degree sang tak tak a nei ua, a sim tawm in a hetawm a haksatna tampi a tuok ua, a hinkhuou haksa tak in amang zo ui.

Degree sang tak tak nei hawn baihlam tak in khawvel a chenpih dinga mamawh cheng cheng a kimuh sek ui.

Thingtang lam a upa khat in a chate a hilhna ah hiti hin ahun gen hi, "Lehkha sim un, sum

Chamna Aw

pawimawhte hetchienna, leh thagau mangthai matna chuh thukzaw diekin a zil dawk ui. Zie ban achun amau apata azildawk uh chuh, hun mat dik, nasep leh mawhpuokna a ginumna leh taimatna, kithununna, sumlepai ah ginumna haw hih ahi.

Diphu ah mi nga chauh in Sapchuom ahun din pan ua, kum 22 sung zie sapchuom ah chun Pastor mawhpuokna puo kawm in a kimvela khuo haw achun chanchinpha ahun gen ua, gingtu ahung kibehlap zel a, tuhin sapchuom chuh mun 40 in a um tau hi. A nasep nau achun kum khatna chu lawh neilo in a sem a, kum nihna a chun tha khat in Rs. 30.00/- a lawh a, 1996 kum ah a lawh chuh tha khat in Rs. 600.00/- ahi. IAS lawh tawh vang kikhie ngei in a maw.

Mi'n a nasepna leh amah chanchin a hun hechien deuh deuh ua, 1977 kum chun India ah Protestant Mission pawl khat in amau Executive Secretary dingin ana chiel ua, Jhansi, Lucknow leh Allahabad a utna penpen a tel theih dingin, umna ding akawk muh ua, himahleh

Karbi nam niem takte lak ah asepna chuh nutsieh thei a ngailo in, zie chielna chuh ana nawlh hi.

March 30, 1980 ni a thingtang lam sapchuom biekin masapen hawng dinga a chieh nau achun kilehkitna ding bahara a nei ta puou a, sapchuomte chun cheng nga a pieu a, himahleh a mamawh u chuh cheng thum ahih ziekin, cheng nih chu a piekit ui. Sapchuomte apata kithuohpihna sum a muh masak pen ahih dan agen hi.

Sapchuom aphuhdawk nunga BD masapen chuh Harsing Engti ahi a, UBS, Yavatmal ah 1981 in ahung zo hi. Zie tangval hih UBC, Kohima sapchuom in achawm sak uh ahi.

Pathien nasep a masawn phawt leh dodalna a tung sek a. Langhin biel a Boro namte gingtu ahung kibeh zel ding uh dalna nasatak ahung tung a. November 29, 1981 in Podompukri ah gingthakte baptism chan sak dinga a chieh u chuh, ana dal ua, kuomah baptism chansak talo in a kilehkit ui. Gingthakte Bible, Labu leh thil dang dang

Chamna Aw

a laksak ua, a haultum ua, Ho-In chung ah Kross chu le akai thau a, a haultum sak ui. Salguri mun lam a zuon kit ua, a Ho-In signboard uchuh a zukthau a tuikul sung ah a pailut ua, a Bible uh, a Labu uh chuleh a chutna hawu chuh a haultum sak ui. A mau ngei le heksiet a um in, vahawmna mun ah ava kipielut ua, himahleh azi'n bail in ava la dawk a, kumkhat hiel Court a kaih uh a ngai hi. Himaleh December 31, 1981 zan in khawvak in a paucham ua, DC thak ahung tung a, amah chun a case uh chuh September 22, 1982 in a suktawp sak tai.

February 14, 1982 ni'n a sapchuom ua upa khat N. K. Milik Salguri ah dan thiengtho ah kichenna masapen ah a tel ua, ahung kilehlam un tangval hawn khat in ana delh ua, suong in asep ua, alawipa chuh a sekhak lohna dingun amah anung in taihi. Amah chuh suongtum bangzat ahim in anung zang asep khau a, himahleh liemna huoisie taluo chuh atuok puoi. A lawipa chuh a mit chung vel a sepkhau hi. Zie khuo hausapa chun a liemnau chuh bazaar ah ana mu

a, ana nuihsan hi. Maktak chuh ni sawt lo nungin zie hausapa chuh a iplum tai.

Diphu ah 1974 achun lawh bangmah neilo in a khawsau a. Chate School kaih pat hun la ahi tangala. Zie hun achun Darjeeling ah missionary school khat ah a chateau chu a kaihsak tau a. Himahleh, a bill ahung tun chun Cheng 8,000.00/- piek a ngai ta a. Sum zie zat piek chuh thil hi theilo ahi mai a. School apat lakdawk mai ding a guot laiun DK Zeliang in a bill uh chuh a piek thien sak hi. Pieckit huna buoi tho tho ding ahih ziek in lakdawk mai aguo tai. Himahleh, Rev. J.A. Johnston, Principal chun a chanu nihte chu full scholarship a pie a, a chapa nihte chuh concession a tam thei pen apie ta ahi. IAS leh MBBS nupan hinkhuo nuomtak mang thei dingte'n Pathien sapna a dawnnau achun zie tawbang haksatna hih ana tuok ui. Himahleh Pathien chu kuomah bat nei ngeilo ahih dungzui in, tuhin a chanu te nih hi doctor ahi tau a, a chapate nih chuh engineer ahi tau hi.

Chamna Aw

simtam leng kristien hinkhuo ah ei chawm mah mah ding ahi.

E.M. Maguisse chun, "Lehkha sim hi bank a paisa kawih tawbang ahi." ati. Bank a paisa I kawih chun a pung aum a, I kawih tam zawn phawt leh a pung tam ahi. Bible leh kristien hinkhuo chawmthei lehkhabu a tam ta a, pau chuom chuom sim thei te ding vang in a hawih apha atam diek a I simtam phawt chun apung tam deuh deuh mai ding ahi. Ahinla lehkha sim lawkna chu bank a sum kawih sang in a lawk zaw nalai hi. Bank a sum chu a sumpi, a lawk abawn a matzawh zieng theih a hi a, lehkha hetna vang I hah mat phawt chun pung deuh deuh gel ahi.

John Wesley mah in, "Lehkha sim ngeilo nasemu chu a nasepna a pan in haimai heh." ana tia. Kum 20 sung school ah na ka sem a, ni chenga ka gen mun pen chuh. "Lehkha sim" hi ahi. Chuleh, kum cheng tih theih phiela naupangte subject kitheng, hetsa/bawltheihsa tih ding um thei him him lo. Sim zing a pawimawh ahi. Zan ahim hun awng khat ahim a naupang haw

lehkha hilh ding chuh I na sima I het thiem ten chun a hilh a nuom a, naupangten le ahe thei sek ui, a phachuom mah mah sek hi. I sim peih loh ni ahim I hetthiem zawhloh ni ahim leh akichawl thei a naupang hawn le a he thei bek puou hi.

Pulpit a Pathien thu gen khat in a thugen dan in lehkha a sim tam leh a sim tamloh hi a het zieng theih hi. Lehkha ana sim taluolo ten amah ngaihdan ngawn chah sermon a hun bawl zieng chun chawmlo kal in mi a awi ip zo ta sek hi. Lehkha ana simtam deuh ten thu agen leh a ngaithak a nuom a pawm le a ki-pawm thiem thei hi. Chuleh, lehkha sim taima te chu a lehkha sim hawn a suchinga zie tieng chuleh sapchuom mipi te ading inle vangsakna ahi. Zieziekchun, Pathien nasemtute ading inle lehkha simtam hi hatna bulpi khat ahi.

W.P. Whipple chun, "Lehkha bu phatak khat ka chawk chun mipil khat chawn ka kingai hi." ana tii. Ei u haw-lawi hi lehkhabu chawk hi I taima lo mah mah mai ua, zie article zikpa hi amah pawimawh

Lehkha Sim

- P. Suona
Mission Veng, Moreh.

Amasapen in Chamna Aw simtute cheng cheng Lalpa Isu min in chibai ka hun piei.

Tuhin Pathien mapuihna vangin kum 2018 tha khatna mang zo in a tha nihna I tung kit tau a, ei puitu Lalpa chuh pahchak in um hen. Khawvel a Pathien sapchuomte I khawsak zinglai un sapchuom achieh hawih theihna ding leh zie khawvel changkan dungzui a hi ei u le I chankan theihna ding un a chunga thupi hi mithupi te kam suok haw apan in holimna vak nei leu hing ut aum hi.

Lehkha sim phat dan leh a pawimawh dan hi I he chiet tau a, tuhinle thingtang leh phai ah nu leh pa ten chate school kaihna ding buoipih in sumlepai haw it lo hiel in school pha leh hawih hawl in admission I bawl sau sau tau ahi. Naupang haw lehkha simna

lam ah le gen ding tampi um intin, himahleh ka hun gennawp pen ahih leh sapchuomte a ding bik in ka hun gennuom hi.

Sim tam hi gingtute hatna ahi. Bible sim hi gingtu khat a dinga ahisa ahimai a gen ngailo a kihet mai ahi a, Bible apat a hi thil bangkim hung pawtdawk ahih ziek in pawimawh ahi.

John Wesley chun, "Gingtu lehkha sim zing chu a minthanga a haihsan phat phat leh a tawp ahi mai hi." atti. Aziekchu, Bible leh lehkhabu pha dang dang a sim peih taklouh ziek ahi. Lehkha sim tam hi gingtu te hatna, guolzawhna ahi. Tulai a gindan diklo sapchuom sung ah a hung lut sek a khenkhat puih kawi a um haw hi lehkha sim tam louh ziek a kihilhna tasam a ana chieh mang tampi um ding in ginckak aum hi. Bible tawh saisam a mithiem ten lehkhabu a na suoh haw hi

November 2,1986 ni'n mun li ah hun mangzo hungtung chuh khuo helo in apuk a. Gingthak khat chuh DK Zeliang, Kohima ah um kawmah thangko in a sawl ua. Aman'n le hung delh ngal in, Vellore a chiehna ding Lenna ticket chiehlam leh hunglam ding pieu a, sum le apie ahi. Zie hospital ah chiehna dinga chun alawh tha nih a Rs. 600.00/- (tha khat advance law tawh) a pieu hi. Vellore ah tha khat a um ua, a zi le a ki at zo a, amah le kum nih nek ding damdawi apieu hi. Himahleh, tha thum zaw in a dam thieng ta ahi. Ginum taka Lalpa nasep chuh bangtik laia le a thiltup ahih ziek in apawimawh gen viel viela thupi taka sep khel khel ana tel puoi. Amah gendan in, lienzaw taka sem thei himahleh ginumna leh thutakna kikhenpih nuomlo a sem ahihziek in khawvel etin thupi takin bangmah abawl puoi.

Lobawltute'n nichenga na asep ua nek ding a muh bang un, Lalpa suok chunle nicheng in kalsuon dawk in thagau mangthai hawl leu hin Pathienni cheng leh Baptisma chansak

ding um ding ahi, a tii. Mosi leh Paul te guol in Pathien nasepna ah chawlh thei ei puoi, Pathien in hinna a piek sung cheng sem ding tin pan la zing ahi.

Ka va kimupih hun u hin, Australia ah sem a chanu doctor in, In thak ana sak sak achun aki chawnlut tau hi. Lalpa Isu min a gimtheih haksatna ana thawnkau In pen chuh ka va mu ta puou hi. Himahleh, a In uh chuh ka en a, hawih tawk mahmah lele, Lal nasep ana tello in amah IAS in ana pension henla, a zi le doctor in ana pension leh In thupi tak sawng nih sawng thum kisak zawh mah mah in au. Vak et mai in Lalpa Isu zuitu ginum hih ngaihsan a um mahmah mai hi. LL Muona tawh, Samboi Nu tawh, Gideon tawh, amun ah ei puitu Thira tawh, zie Pathien suok ginum hih; van ah lopi taka muh kit ding ahi zing lain, leichung a khuolzinna gam a nutsieh masang ngeia kava muh uh hi ka lung a awi mah mah hi.

Hebrai 11:24-26, ka gen cheng leh Pu Rothanglien ka gen khawmsek, Pu Rothanglien chanchin ka gen cheng leh Mosi

Chamna Aw

chanchin ka gen khawm sek hih, tuhin chuh ka kileh kit tieng leh mit ngei ah ka muh chanchin gen ding ka hih tak ziek in, ka lung a awi mah mah hi.

Rev. Rothanglien Hmar le a zi leh a chate Diphu atun tung ua chanchin lunghim khawih tak khat chuh, a chate school kai ding cycle in a tawl a, school mai atun un Diphu ah IAS hung kichawnlut thak khat, achate car ah school ah hung thak tawh a kituok phut ua, zie sap thak hung tung pan pan pa chun Pu Rothanglien chu IAS dimmun phatak taihsan a Missionary dinga kipie ahih lam chuh hekha lo ahih ziek in, cycle a a chate ahung tawl chuh amuh in mak sa taluo'n "Rothanglien, what happened?" ti'n lungkham tak in a dawng hi, tih cha hih a chanchin ua lunghim khawih tak chuh ahi.

Aigupta lal chutphah a chu ding lai Midian gam thip mun ah a puzawn Jethro belam ching a um mai ta Mosi ngei kha le mi'n va mu leu, "Moses, what happened?" ti ngei in au maw! Muchien taka Lalpa

sapna dawnte hi mi vangpha chungnung ahi mai ui. Mosi khan Aigupta lalchutphah ana tel zaw leh kuon tu tieng tieng hin hezing nalai ding ahim? Pu Rothanglien le IAS ah um den leh a pensionna sawt tan tin, kuon tuni tieng hin amah ngaisang ding ahim? Khawvel a chauh hilo a, kumsawt gam tieng a lopina teltute hih mi awhchak um tawp ahiu tihloh thei ahi puoi.

Lalpa Isu sapna ana dawnna hih amah ngei in sappau a ana zik bang bang in ka hun lasawn mai hi, ana sim un, agun taluoai ahi.

"People ask me frequently, 'Why did you resign from IAS? They ask me the same question till today.

"There are other reasons why I have resigned from the Indian Administrative Service, but the main and overbearing reason was to avoid an IRREVERSIBLE REGRET on my deathbed. I could not think of dying without serving the Lord full time, however unprofitable it might be. I will not have that regret now. I praise the Lord for it."

Chamna Aw

Aw, khawvel in ngawl sa nalawm lawm inau e maw. Himahleh Pu Rothanglien leh a zi Dr. Arlice, Khrista dinga gimtheih na tincheng ana thuok muolsuoh te hih, khatvei pieng chiet chiet ding in chuh athupi nau e. Amau ang a vak chut mai chuh a ki-neu nalawm lawm e aw! Amah ki hengilh a Lalpa Isu zuitute thil muhchien hih neuchah bek vak mu leu hin chu maw...

Pathien nasepna nasan ah dinmun leh chutmun, leh thuneihna kichuh lai ahin zie tawbanga Lalpa Isu zui ding hih I mamawh zing uh ahi. Pathien

in zie tawbang suok ginum hih hun siem dawk zel leh nawp aum mahmah hi.

(Zie article hi Rev. Dr. Kh. Khaizakham in Rev. Rothanglien Hmar a holimpihna hih ka sim a, hawih ka sa beka sapchuomte'n le I phatchuompih ding uh kinepna nei kawm a hung kisuoh ahi. Zie article hih Muanna Aksi, Vol. 48, No. 2; February 2018 apat azik tu Rev. Dr. Kh. Khaizakham phalna leh hetpihna a hung kisuoh ahi. Suoh ei phalsakna ziek in achung ah kipak thu I gen hi.)

Ngetna

Chamna aw hi subscribe a, Articles a hun pie zing ding in leh subscriber ding hun hawla sponsor hun bawl zel ding in, chun aphung vukna ale pang dingin na tawmngaihnau leh deihsaknau Pathien min in ka hun ngen ui.

- Editorial Board